

SCRIPT OF MORNING GOJRI NEWS BULLETIN 2JULY 1015 HRS

ما رنینگ گو جری نیو ز بلیٹن مورخہ 2 جولائی 2025

یوہ آکا شوانی جموں ہے عبیدالرحمان تین خبر سُنو۔

YATRA FLAG OFF

لیفٹیننٹ گورنر منوج سنہا نے اج سویرے جموں غا بھگوتی نگر بنیادی کیمپ تیں امرناتھ یاترا وستے آیا عقیدت منداں غا پہلا جھتا نانہہ سخت حفاظتی انتظام نال ہری جھنڈی دس غے روانہ کیو یہ عقیدت مند یاترا ور جاتے ویلے بہم بہم بولے تے ہر ہر مہادیو غ اتعرہ بلند کر رہیا تھا اج سویرے 5 ہزار 8 سو 92 عقیدت منداں نے امرناتھ یاترا وستے جموں تیں اپنو سفر شروع کیو ہے ان عقیدت منداں وچوں 2489 افراد بالٹال آلو رستو اختیار کریں گا جدکہ 3403 عقیدت مند پہلگام آلے رستے امرناتھ گپھا مانہہ حاضری دیں غا واضع رہ جے یاترا وستے نکلیا عقیدت منداں غا اس پہلا جھتا مانہہ 4395 مرد 1043 خواتین 31 بچا 335 سادھو 72 سادھوی تے 16 تیجی جنس گا افراد شامل ہیں تے یاہ یاترا کانوائی 310 گڈیاں ور مشتمل ہے سطح سمندر تیں 3880 میٹر غی اونچائی ور موجود امرناتھ گپھا ور عقیدت منداں غی حاضری غو سلسلو آئیندہ کل تیں شروع وے غو تے یاہ یاترا 38 دنن توڑی چلے غی تے 9 اگست نانہہ اختتام پزیر ہو جے غی۔ عقیدت منداں غی گڈیاں نال حفاظت غا سخت انتظام کیا گیا ہیں تے حفاظتی کانوائی عقیدت منداں غی گڈیاں نال چل رہی ہیں۔ اس سال امرناتھ یاترا وستے تقریباً 31 لکھ 31 ہزار عقیدت منداں نے اندراج کرایو ہے اس تیں علاوہ جموں غے اندر اندراج گو سلسلو جاری ہے جت موقعہ ور ہی اندراج غی سہولت دستیاب رکھی گئی ہے تے گزشتہ 2 دنن غے اندر تقریباً 4 ہزار ٹوکن وی تقسیم کیا گیا ہیں امرناتھ یاترا غا سلسلہ مانہہ متعلقہ اتھارٹیاں نے سخت حفاظتی انتظام کیا ہیں تے سی سی ٹی وی کیمران تیں علاوہ گڈیاں غی آمدرفت متعلق ہدایت وی جاری کی ہیں۔ اس تیں پہلاں یاترا متعلق کی گئی تیاریاں گا جائیزہ خاطر گزشتہ روز ایل جی موصوف نے بھگوتی نگر غا یاتری نواس غو دورو لایو تے اُت دستیاب خوارک رہائشی انتظام امدادی ڈیسک صفائی ستھرائی گڈیاں غی دستیابی تے ہنگامی خدمات تیں علاوہ بجلی پانی سپلائی تے طبی سہولیات غو وی جائیزو لایو تھو۔ اس دوران ایل جی موصوف نے بابا برفانی غ اعقیدت منداں نال وی ملاقات کی تے کوش حال یاترا وست نیک کواہشات گو اظہار کیو واضع رہ کہ جموں تیں روانہ ہویا امرناتھ یاتریاں غا پہلا جھتا غو ادھمپور تے رام بن مانہہ وی زبردست خیر مقدم کیو گئیو ہے۔

LG TAWI AARTI

شریامرناتھ یاترا غا موقعہ ور ایل جی موصوف نے توی آرٹی مانہہ شرکت کی تے سوریا پتری توی تیبابا برفانی غی دعا لی انہاں نے کہیو کہ جموں کشمیر پورا بھارت تیں ویا عقیدت مندان غا خوش آمدیر ودتے تیار ہے 2019 تیں بعد جموں کشمیر غی ترقی غو ذکر کرتا واں ایل جی موصوف نے کہیو کہان گو کام انتظامیہ سرگرمیاں تیں بدھ غے ہے تے یوہ ایک مشن ہے کہ جموں کشمیر غی قدیم چقافتی روایات تے عظمت نانہہ بھال کیو جے۔

LG AMBULANCES

لیفٹیننٹ گورنر منوج سنہا نے گزشتہ روز بھارتیہ قومی شاہراہ اتھارٹی غی طرفوں کارپوریٹ سماجی ذمہداری غے تحت وقف کی گئی 5 ایمبولینس گڈیاں نانہہ رام بن تے اننت ناگ ضلعان گا ہسپتالان وستے ہری جھنڈی دس غے روانہ کیو۔ یوہ ایمبولینس گڈی قاضی گنڈ بانہال رام بن ہٹوت تے گول ہسپتالان مانہہ عوام وستے مختس کی گئی ہیں اس قدم غو بنیادی مقصد وقت ربتیں طبعی علاج مہیا کرانو تے ہنگامی طبعی خدمات فراہم کرانو ہے ایل جی موصوف نے این ایچ آئی اے غی طرفوں وقف کی گئی ایمبولینس گڈیاں ور خوشی گو اظہار کیو تے ڈپٹی کمشنر رامبن نانہہ ہدایت جاری کی کہوے دور دراز علاقان غے اندر طبعی سہولیات نانہہ مزید بہتر بنان غی کوشش کریں۔

RANA PMGSY POONCH

جل شکتی جنگلات تے قبائلی امور غا وزیر جاوید احمد رانا نے سول سیکرٹریٹ سرینگر مانہہ ایک میٹنگ غی صدارت کی تے پونچھ غیاندر پردھان منتری گرام سڑک یوجنا غے تحت چل رہا پروجیکٹان گو جائیزو لیو میٹنگ غے دوران موصوف نے متعلقہ اتھارٹیاں نانہہ ہدایت جاری کی کہ وے پروجیکٹان ور کام غی رفتار مانہہ تیزی لیاویں تے منفرد وقت غے اندر تمام پروجیکٹان نانہہ مکمل کریں انہاں نے مزید کہیو کہ ان منصوباں غا مکمل ہون غے نال عام لوکان انہہ کافی فائدو حاصل وے گو تے سڑک رابطان تین علاوہ معاشی سرگرمیاں وستے موقعہ وی فراہم ویں گا۔ وزیر موصوف نے ان ترقیاتی پروجیکٹان ور کام غا معیار نانہہ مزید بہتر بنان ور وی زور دتو۔

JKEDI

جموں کشمیر کاروباری ترقی ادارہ جے کے ای ڈی وئی نے آر اے ایم پی اسکیم غے تحت 6 ضلعان مانہہ انتظامیہ ترقی پروگرامان غی ایک نشست کامیابی نال مکمل کر لی ہے ایم ایس ایم ای وزارت غی طرفوں شروع کیا گیا اس قدم نانہہ جموں کشمیر یو تی گے اندر صنعت وحرقت محکمہ نے نافز کیو اس سلسلہ مانہہ تربیتی پروگرام 24 جون 2025 نانہہ شروع ہویا تے یہ پروگرام دوڈہ جموں گلگام رام بن سرینگر تے ادھمپور مانہہ منعقد ہویا 30 گھنٹان

غا اس 6روزه تربيتى پروگرام مانہہ 117کوروباریاں نے شرکت کی جن مانہہ 93خواتین شامل
نہی۔
